

Sakslivegen SA

Org nr 986 093 672

Til Osterøy kommune

ved Rådmann Ingvild Kirsti Hjelmtveit

Kopi; Ordfører Lars Fjeldstad

Søknad om forlenga kommunal garanti

Sakslivegen Vegforening BA vart omdanna etter lovkrav hausten 2012 og fekk navnet Sakslivegen SA og er eit samyrkjelag (SA) etter lova. Medlemmene i laget er dei same som var stiftarar då vegforeninga vart etablert. Medlemmene er:

- Private skog-og landbruksinteresser
- Osterøy kommune
- BKK.

Sakslivegen vart planlagt etter initiativ frå Osterøy kommune, og med skogbruksmidlar og lån vart vegen ferdigstilt i 2007. Byggjelånet vart overteke av Osterøy kommune. Men vegen er framleis ein privat skogbruksveg og vert drifta av eit styre. Frå medio 2011 vart det etter kommunalt vedtak gjeve løyve til å krevja inn bompengar til føremål å finansiera drift og vedlikehald av vegen. Sjølv om vegen vert nytta av mange og er å rekna som ein **'heilårsveg'** mellom Bruvik/Bruviksdalsvegen og sentrale Osterøy/Njåstadvegen, dekkjer forventta inntening berre eit minste vedlikehald samt renter og avdrag på gjeld. **Siktemålet har frå starten alltid vore at vegen skal overtakast av Osterøy kommune som ein naturleg del av vegstrukturen på øya. Det er då all grunn til å minna om at vegen ved utalle høve har tent som sikringsveg når tilhøva langs Bruvikvegen ikkje har vore tenlege. Slik vil det også vera i framtida.**

Lån stort kr 500.000 vart teke opp i 2013 for å avslutta vegprosjektet og dekkja kostnader knytta til konfliktløyising mm. Det vart gjeve kommunal garanti frå Osterøy kommune for å sikra långjevar Sparebanken Vest. Lånet er i perioden nedbetalt med kr 50.000 kvart år. Restsaldo i dag er kr 125.000.

Styret var oppteken av at vegen skulle vera ein sikker og god vegstrekning til bruk for **alminneleg ferdsle**. Dessverre ligg vegen i eit svært brattlend terreng og det var naudsynt med fysisk sikring (autovern). Styret vedtok i 2013 å setja i verk arbeidet som vart kostnadsrekna til mellom 600-700.000 kroner for heile strekninga. Etter refusjon av moms og nokre bidrag frå private, vart kapitalbehovet ordna gjennom to låneopptak hos private:

- Johannes Bruvik
- Vassdal Revisjonsbyrå AS (no Vassdal Merkantile Byrå AS)

Skuldig saldo til desse er i dag hhv kr 333.000 og 336.000 inkludert renter (5%) i perioden.

Styret finn det rimeleg at denne private gjelda no vert refinansiert ved opptak av nytt banklån stort kr 670.000. **Det er då ynskjeleg med kommunal garanti tilsvarande den som ligg i banken i dag dvs ei forlenging av denne knytta til nytt lån.**

For å unngå at garantiramma vert enda/utvida, vil Vassdal Merkantile Byrå AS garantera for restlånet som no ligg att og det overskytande ut over 500.000 mot at denne del av låneplikta vert avtala nedbetalt fyrst og deretter 'den kommunale andelen' etter ein nærare avdragsplan fastsett av banken.

Styret finn denne løysinga tilfredsstillande og er nøgd med at det private låneengasjementet etter dette kan avsluttast.

Med von om ei positiv tilslutning frå Osterøy kommune til dette, vil planen verta nærare drøfta med vår bankforbindelse Sparebanken Vest.

Skulle De ha spørsmål kan styreleiar kontaktast for ei nærare orientering om alle tilhøve rundt denne vegen.

September 2020,

Sakslivegen SA

Geir K. Vassdal (leiar)

Lars Johan Fjelde

Svein Jarle Njåstad

Inge Njåstad

Svein Magne Vassdal

Vedlegg: Årsrekneskap 2019 til orientering.